


# KOMMUNIMUT PILERSAARUMMUT TAPILIUSSAQ 2B2-4, QEQERTAT2020, Nuussuaq, Nuuk

Juuni 2018



**KOMMUNEQARFIK SERMERSOOQ**  
Sanarfinermut Avatangiisinullu Ingerlatsivik  
Forvaltning for Anlæg og Miljø

## Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) pisussaavoq, kommunimut pilersaarummik pisariaqartutigut malinnaatisissalluni. Taamatut malinnaatisisarnermi pilersaarummut tapiliussamut attuumassutilimmik pilersaarummi allannguiteqartoqartillugu imaluunniit ilanngussaqartoqartillugu ingerlaavartumik isumagineqartarpooq.

Kommunalbestyrelse kommunimut pilersaarummut tapiliussamik nunaminertamik atuinissamutsanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse pisussaalluni, sukumiisumik aalajangersagartalimmikkommunimut pilersaarummut tapiliussaliussalluni:

- Nuna tamakkerlugu pilersaarusiornerp Kommunillu pilersaarusiornerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq marlunniq **imikkoortortaqarpoq, nassuaatitaa** aamma **aalajangersagartaa**.

- **Nassuaammi** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq nassuarneqarput.
- **Aalajangersagartaa** aalajangersakkaniq pilersaarummik piviusunngortitsinermi malinnaatisissutigineqartussanik imaqarpoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkant sukumiisunit immikkut akuersissummik tunniussisoqarsinnaavoq. Tamatuma saniatigut aalajangersagartaa inatsisitigut pituttuisunik ilanngussanik nunap assitaqarpoq.

## Tamanut nalunaarut

Kommunimut pilersaarummut tapiliussaq 4. juli 2018-mit atuutilersutut tamanut saqqummiunneqartoq.

## Pilersarut sumi atuarneqarsinnaava?

Kommunimut pilersaarummut tapiliussaq kommunip nittartagaani [www.sermersooq2028.gl](http://www.sermersooq2028.gl), kommunimi innuttaasunik sullissivimmi imaluunniit Sanarfinermut Avatangiisinullu ingerlatsivimmut oqarasuaammut 36 74 00-imut sianerluni saaffiginninnikkut pineqarsinnaavoq.

## IMARISAI

<b>1</b>	<b>NASSUIAAT</b>	<b>4</b>
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	8
1.4	PILERSAARUMMI PINGAARNERIT	13
1.5	PILERSAARUMMUT ALLAMUT SANILLIULLUGU INISSISIMANERA	21
1.5.1	<i>Nuna tamakkerlugu pilersaarusiorneq</i>	21
1.5.1	<i>Kommunimut pilersaarut</i>	21
1.5.2	<i>Qanganitsat eriagisassat imaaliaallaannarlugit peerneqarsinnaanngitsut</i>	21
1.5.3	<i>Avatangiisit</i>	21
1.5.4	<i>Teknikkikkut pilersuineq</i>	22
1.5.5	<i>Pilersaarutinik atorunnaarsitsinerit</i>	23
1.5.6	<i>Tamanut nalunaarut</i>	23
1.6	PILERSAARUMMUT TAPILIUSSAP INATSISINUT TUNNGASORTAI	24
<b>2</b>	<b>AALAJANGERSAKKAT</b>	<b>25</b>
<b>3</b>	<b>AKUERSINERMUT UPPERNARSAAT</b>	<b>32</b>
<b>4</b>	<b>ILANNGUSSAQ</b>	

# 1 NASSUIAAT

## 1.1 PILERSAARUSIORFIK

Pilersaarusrornermut immikkoortoq "2B2 Nuuk Containerinut umiarsualivik" Nuussuup illoqarfiaita ilaaniippoq, Nuussuup nuuata kangiani kujataatalu kangiani.



Takussutissiaq 1 Pilersaarusrornermut immikkoortoq illoqarfimmut tunngatillugu

Qeqertat kangerluatigut nunaminertanik immiisoqarneratigut qeqertallu minnerit pingasut Qinngutta tungaaniittut qaartiternerisigut nunamut atanilerneqarput. Taamaaliortoqarneratigut inuussutissarsiutit

ineriartortinnissaannut nunami avannamut kangiani kujammullu kitaani ataqtatigiissumik pilersitsisoqarluni.

## 1.2 SIUNERTAA TUNNGAVIILU

Nuummi inuussutissarsiuutnik ineriartortitsineq, Illoqarfiit pingaarnersaat pillugu periusissiaq:

Nuummi inuussutissarsiorneq ataavartumik ineriartorpoq nunaminertallu inuussutissarsiuteqartunit pilersitsiviginissaannut ataavartumik ujartorneqartuarlutik. Kommuneqarfik Sermersooq Illoqarfiit pingaarnersaat pillugu periusissiap 2016-imi Kommunalbestyrelsimit akuersissutigineqarneratigut ilaatigut Nuummi inuussutissarsiuteqartut pitsangorsaaviginissaat periarfissaannillu siuarsaaviginissaat aallutarineqarpoq. Matumani inuussutissarsiuteqarfik "nunani tamalaani, nunatsinni illoqarfimmilu suliffeqarfinnut *pilerinarsarlugu*" *ineriartissavarput*. Pileraarut una naapertorlugu inuussutissarsiuteqarfiup "*Qeqertani inuussutissarsiuteqarfimmiumiarsualivimmi nutaami aamma Pukuffiup eqqaani inuussutissarsiutaareersumi logistikkitut inuussutissarsiuteqarnermilu qitiusutut*", kommunimut pilersaarummi sermersooq 2028-mi allaaserineqartut ineriartorteqqinnissaannut malittarisassanut periarfissat pilersitassallu iluaqusersorneqassapput.

Suliap ingerlanera, pilersaarusionermut inatsit sanaartugassatullu ginnuteqaatit:

Pilersaarusionermut inatsisip allanngortinneratigut, 1. januaari 2016-imi atuutilersup, ilaatigut Inatsisartut inatsisaat nr. 34, 9. december 2015-imeersumi, qinnuteqartut sanaartugassatut qinnuteqaataat akuersissutigineqartut tunngavigalugit ukiut marluk angullugit sivisussusilimmik nunaminertamik inniminniinissamut communalbestyrelse agguasinnaavoq. Piffissami tassani kommunimut pilersaarummut tapiliussaq suliarineqassaaq, taannalu naapertorlugu sanaartugassap piviusunngortinnissaanut nunaminertamik agguassinissaq periarfissaalissaq.

Inatsisartut inatsisaat nr. 34, 9. december 2015-imeersoq naapertorlugu sanaartugassatut qinnuteqaatit ataatsimoortillugit piffissami 17. maají 2017-imii 12. juuli 2017-imut Kommunalbestyrelsimit tusarniaassutigineqarput.

Sanaartugassatut siunnersuusiortut siunnersuutillu nassiunneqartut Usisaat ApS-imeerput kiisalu suleqatigiinnit makkuninnga: Royal Greenland, Aalborg Havn, STARK Kalaallit Nunaat A/S, Arctic Group aamma Blue Water A/S.

Sanaartugassatut siunnersuutaasut, tusarniaanerup nalaani sanaartugassatut siunnersuutaasinnaasutut ilangunneqartut aamma oqaaseqaatit akerliliissutaasullu ingerlatsivimmit suliarineqartut tunngavigalugit kommunimut pilersaarummut tapiliussassatut siunnersuutaasup matuma piviusunngortinnissaanut ingerlariaqqinnissamut inassuteqaataasoq Kommunalbestyrelsip 21. novembari 2017-imi ataatsimiinnermini akuersissutigissallugu aalajangerpoq.

Kommunimut pilersaarummut tapiliussassatut siunnersuut una naapertorlugu kommunimut pilersaarummut tapiliussaq pioreersoq nutarterneqassaaq Qeqertanilu nunaminertaliisoqassalluni, taamaaliortoqarneratigullu sanaartugassatut siunnersuutaasut piviusunngortinneqarsinnaalissapput, kiisalu kommune nunaminertamik imaluunniit kommunimi ineriertortitsinermut ingerlatseqatigiiffik inuussutissarsiutinik allanik aalajangiussaqarsinnaallunilu ineriertortitsisinnaavoq.

Nuummi containerinut umiarsualiviup inerisaqqinnissaa qulakkeerneqassaaq.

Pilersaaret tamaat ilaaluunniit sanaartugassatut qinnuteqaatini nassuaatigineqartut piviusunngortinneqanngippata, nunaminertanik inniminniinerit / agguassinerit utertinneqassapput, ilaatigut immikkoortup kommunimut pilersaarummi siunertaanut inerisarneqarnissaa qulakkeerumallugu.

Pilersaarutip siunertaa tunngaviillu:


- Illoqarfijt pingarnersaat pillugu periusissiaq aamma Kommunimut pilersaarummi takorluukkut naapertorlugit Nuummi inuussutissarsiuteqarfiup inerisarneqarnissaata piviusunngortinnissaanut periarfissiisoqassaaq.

- Immikkoortoq inuussutissarsiuutinut umiarsualiveqarnermullu siunertanut atorneqassaaq.
- Sanaartorfilersuisoqassaaq ilaatigut sanaartugassatut qinnuteqaatit siunertaannik periarfissiisunik.
- Sanaartorfinnik ilanggussinissaq, taakku kommunimit imaluunniit kommunip ineriartortitsinermut ingerlatseqatigiiffianit atorneqarsinnaallutik.
- Imaata immerneratigut alliliinissamut periarfissat qulakkeerneqassasut.
- Immikkoortumi attaveqarnerup takuneqarsinnaasortaatalu ilusaa pillugit ataatsimut pilersaarutaat qulakkeerneqassasut.

### 1.3 PISSUTSIT ATUUTTUT

#### Pilersaarutitigut pissutsit atuuttut:

Kommunimut pilersaarummut tapiliussami matumani nunaminertat pineqartut ullumikkut kommunimut pilersaarummut tapiliussaq 2B2-3-mi, Qeqertat, nassuaatigineqarput.



Takussutissiaq 2 Immikkoortup ilaa atuuttoq sanaartorfissalik (qernertumik titarnilik), kiisalu immikkoortup ilaa nutaaq killeqarfilsugaq (aappaluttumik titarniusalik).

Pileraarummi 2B2-3-mi atuuttumi immikkoortup ilaa nunaminertaq immikkuualuttut A-E-mi ilanngunneqartut makkunani atuuttussaapput:

*Immikkuualuttoq A:*

Containerinut umiarsualivimmut, talittarfinnut atortuusivimmut, allaffissuaqarfimmut, assartukkat tikittarfianut, umiarsualivimmi inuussutissarsiutinut, soorlu Qeqertani sannavinnut illorsuarnut uninngasarfiugallartunullu atugassaavoq. Sanaartukkat naammassineranit/nunamit immikkamit nuuanut 32,5 meterit qaangeqquaanngilaat.

*Immikkuualuttoq B*

Inaalitsivinnik suliffeqarfiusunut inuussutissarsiuteqarfiusunullu atugassiaavoq. Sanaartukkat naammassineranit/nunamit immikkamit nuuanut 12 meterit qaangeqquaanngilaat.

*Immikkuualuttoq C:*

Inuussutissarsiuteqarnermik suliffeqarfinnut, umiarsualivimmi inuussutissarsiutinut kiisalu inaalitsivinnut atugassaavoq. Sanaartukkat portunerpaamik quleriit marluutinnejassapput.

*Immikkuualuttoq D:*

Attaveqarnermut atortuutinut siunissamilu Iggiaani nuannaariutigalugu umiatsiat talittarfiata allilernissaanut atugassiaavoq. Sanaartukkat portunerpaamik quleriit marluutinnejassapput.

*Immikkuualuttoq E:*

Attaveqarnermut ilaatigut sapusiamut, ikaartarfimmut kiisalu tankeqarfissamut nunaminertamut atugassiaavoq. Sanaartukkat naammassineranit/nunamit immikkamit nuuanut 12 meterit qaangeqquaanngilaat.

Pileraarummi immikkuualuttut "Nuuk Nutaamik Pingaarnertut Aaqqissuunneqarnera"-ta tassungalu ilaasut kommunimut pileraarummut tapiliussat akuersissutigineqarnerisigut, immikkuualuttuni 2B4-mi aamma 2B5-imi naleqqussarneqarput, Inuussutissarsiutinut umiarsualivinnullu siunertanut atugassangortinnejarput kiisalu immikkuualuttoq 2C4 qeqqaniittussatut atugassangortinnejarluni.

Immikkoortup ilaa 2B2 immikkuualuttumut uunga killeqarfegartinneqarpoq: 2B4, 2B5, inuussutissarsiutinut umiarsualivinnullu siunertanut atugassangortinnejarpoq; 2E3 aamma 3E1, teknikkikkut atortulersuutinut

attaveqarnermullu atugassanngorpoq; 2C3 aamma 2C4, qeqqaniittussatut atugassanngorput; 2D2, sanaartorfiunngitsumut sunngiffimmilu atortulersuutinut atugassanngorpoq. (Ilanngussaq 2 takuuk)

Nunaminertat sanaartugassatut qinnuteqaatiniiittut:

Sanaartugassatut qinnuteqaatit nunaminertamik immikkut akuerineqarnissaannut tunngatillugu immikkoortumi immikkualuttoq B pilersaarummi atuuttumi sanaartorfissat 6-11-mut ilaasutut inisisimapput.

Sumiiffiit pillugit pissutsit atuuttut:

Immikkoortoq pilersaarusrusiorfiusoq avannaata tungaanut Borgmesterip Anniitap Aqquserna tikillugu Pukuffiullu eqqaani kaajallaasarfik nutaaq tikillugu killeqarfeqarpoq, tassa Naluttarfik Maliup eqqaani kangerlumanermi Iggiaatalu umiatsiat nuannaariutit talittarifiata ilaani avannaani tikkikartorfimmi. Immikkoortoq pilersaarusrusiorfiusup kangiata tungaanut annerpaartaa Qinngutta tungaanut immap killigivaa. Kujammut isuata tungaa Qeqertat eqqaanni kangerluup nalaani killeqarfeqarpoq

Kimmut immikkoortup killeqarfigaa Umiarsualivissuaq, elværki aamma amutsivik tikillugu kangerlumanikkut pulajartorfiup tungaani kujataani Iggiaatalu umiatsiat nuannaariutinut talittarifiata kujataatungaani pulajartorfimmut killeqarpoq.

Immikkoortoq pilersaarusrusiorfiusoq immikkoortuuvoq annertuumik ineriertorfiusoq, ilaatigut Qeqertani containerinut umiarsualiveqarnikkut aamma Qeqertat Pukuffiullu akornanni ikaartarfiliornikkut.

Immikkoortup pilersaarusrusiorfiusup annerpaartaa sanaartugassatut qinnuteqaatinut tunngatinneqartoq ullumikkut sanaartorfiunngitsutut inisisimavoq, ilaatigullu imartaasimasup immerneqarneratigut pilersinnejarsimalluni. Immikkoortoq tamanna nunaminertanik atuinissamut pifissamik killilikamik containerinut umiatsianullu inaalitsiviugallartutut atorneqarpoq, tamakkulu illuartiterneqarput kommunimut pilersaarummi siunertaasut malillugit Qeqertani sanaartornissaq piviusunngortikkumallugu. Tamatuma saniatigut Sikukip containerinut umiarsualivianut aqquserngup kitaani kangerlumaneqarpoq sanaartorfissaq 5-imi aamma 7-mi sanaartortoqalersinnagu immertarialimmik. Qeqertat kitaaniipput inuussutissarsiuutinut illut ullumikkut atorneqartut, soorlu tankeqarfik, Orsiivik, puttasoqarpoq aamma umiatsiaaraqarlunilu angallateqarpoq.

Immikkoortoq Qeqertanit aqquteqartinneqassaaq, taannalu Iggiaanut aamma Nuussuup ataani Sullorsuarmut aqquteqassalluni. Iggiaanut aamma naluttarfik Maliup kangerlumarnganut pulajartorfikkut

ikaartarfegalerneratigut Qeqertaniit kujammut containerinut  
umiarsualivikkut aamma avannamut Pukuffiup eqqaani  
inuussutissarsiuteqarfiusutigut aqquteqalissaq. Taamaalilluni


Pukuffiup/Borgmesterip Anniitap Aqqusernata eqqaani kaajallaasarfikkut  
Nuummut aqquteqalissallunittaaq.

Immikkuualuttoq C maanna atuuttoq ullumikkut assigiinngitsunik  
inuussutissarsiutinut suliffeqarfeqarpoq, matuman Nuuk Imeq kiisalu  
inaalitsiviit ilanngullugit. Immikkoortoq tamanna pineqartoq allamik  
inissaqanngilaq.

Immikkoortumut pilersaarusroriusumut Nuussuarmi inissaqarfik qeqqalu  
qanittuaniippuit. Immikkoortoq pilersaarusroriusoq Nuussuarmiit,  
Qinngutsinnit, illoqarfiup immikkoortuinit marluusunit aqqusinermit, kiisalu  
Nuummi Umiarsualivissuaqarfimmit ersarippoq. Immikkoortortaaq  
Quassussuarmi Ukkusissamilu sanaartorfiunngitsunit ersarilluni.



Takussutissiaq 3, A: Immikkoortoq pilersaarusiorfiusoq Nuussuarmiit, B: Immikkoortoq pilersaarusiorfiusoq Stanislavip isikkivianiit, C: Immikkoortumi avannaatungaa sanaartorfiussatut qinnuteqarfiusoq Qeqertanit, D: Immikkoortumi kujataatungaa sanaartorfiussatut qinnuteqarfiusoq Qeqertanit ersippoq.



Takussutissiaq 4: Pissutsit atuuttut immikkoortullu sanaartorfissatut qinnuteqarfiusut


## 1.4 PILERSAARUMMI PINGAARNERIT

Kommunimut pilersaarummut tapiliussaq 2B2-4  
siunnersuuteqartoqarneratigut immikkoortup ilaa 2B2 nutaamik  
killeqarfilersorneqassaaq.

Atorneqarnera:

Immikkoortoq inuussutissarsiutinut aammalu/imaluunniit  
umiarsualiveqarnermut siunertarineqartut allaffeqarfinnut,  
sanaartugassanik suliakkerneqartartunut, quersuarnut, sanasunut,  
sannavinnut, nioqqtissiorernut, assartuinernut, suliffissuarnut,  
uninngasuutaasivinnut, engrossimik niuertunut, tankeqarfimmuit,  
aalisakkerivimmut, talittarfeqarnermut puttasunullu, amutsiveqarfinnut,  
usingiartunut, uninngasutissanut teknikkikkullu sanaartukkanut  
siunertanut atorneqarsinnaavortaaq.

Kommunimut pilersaarummut tapiliussami immikkoortup ilaa  
immikkuualuttunut sisamanut avinneqarpoq: A, B, C aamma D, taakkulu  
immikkut tamarmik ineriartortitsinissamut allilerinissamullu periarfissanik  
aalajangersaavigineqarput.



Takussutissiaq 5, (SAAMERLEQ) Immikkoortup ilaa immikkuualuttullu nutaat,  
sanaartorfissartaqareersut. (TALERPERLEQ) Immikkoortup ilaa immikkuualuttullu nutaat,  
nutaanik iluarsisanillu sanaartorfissallit.

*Immikkuualuttoq A:*

Immikkuualuttumi Sikuki umiarsuarnut containerinik usisunut umiarsualivilioreerneratigut sanaartorfiusinnaasut ilaani sanaartorfioerepoq. Sanaartorfissat ullumikkut atorneqarneratut atorneqaannassapput. Sanaartofissaq 1 kommunimut pilersaarummut tapiliussakkut matumuuna iluarsineqassaaq aamma takussutissiaq 5 ilanngussarlu 2 naapertorlugit allineqassalluni.

*Immikkuualuttoq B*

Immikkuualuttumi sanaartorfissat pilersaarusiornissamik siunnersuutit qinnuteqaatigineqartut naapertorlugit aalajangersarneqassapput, taakkulu piviusunngortissinnaanngorlugit.



Takussutissaq 6, (Saamerleq) Immikkuualuttoq B-mi sanaartorfissat. (Talerperleq) Ataatsimoorussatut ilusilersormeqarnera kiassaateqarfik / teknikkimut atortuusivik.

Sanaartorfissat nutaat qulit pilersinneqarput, tassa sanaartorfissat 5-imuit 14-imut, immikkuualuttumi inuussutissarsiuutit siunertanut. Taakkununnga ilanngullugu kiassaateqarfik ataatsimoorussaq.

Soqutigisaqatigijit/Pilersaarummik ingerlataqartut attaveqaatinut sanaartorfissagissaanermullu tunngasunik aalajangersakkat naapertorlugit nunaminertanik ataatsimoortumik ineriertortitsinissamik pisussaaffeqarput. Takussutissaq 6 takuuk.

*Immikkuualuttoq C:*

Suliffeqarfinnut inuussutissarsiortunut, umiarsualiveqarnermut  
attuumassuteqartumik inuussutissarsiortunut kiisalu inaalitsiveqarfittut  
atugassiaavoq

*Immikkuualuttoq D:*

Sumiiffik attaveqaatinut atortulersuutinut atugassanngortinneqassaaq,  
soorlu sapusiaq aamma Qeqertat Pukuffillu aqqutilernissaannut ikaartarfik,  
taakku maanna sanaartorneqarput.

### Sanaartukkat:

Sanaartorfissat 1-imii 4-mut immikkuualuttoq A-mi inissisimapput, taakkulu umiarsuit containerinik usisartut talittarfiannut attuumassuteqartunut allilerinissamut/suliaqarnissamut atugassanngortinneqassallutik. Taakkununnga aalajangersakkat siusinnerusukkut kommunimut pilersaarummut tapiliussaliaasumiit ingerlateqqinneqassapput. Immikkuualuttoq B-mi sanaartorfissat 5-imii 14-imut nunaminertamik atuinissamik pilersaarusiorissamik qinnuteqarsimasut aallaavigalugit najoqqutassiat naapertorlugit allilerneqassapput. Immikkuualuttoq B-mi sanaartorfissat katiternerisigut anginerulersitsisoqarsinnaavoq, soqtigisaqaqatigiilluunniit ataatsimoorussissatillugit sanaartorfissat killeqarfii qaangerlugit sanaartortoqarsinnaalluni.



Takussutissiaq 7. Pilersaarusrorluni qinnuteqarsimasumiit takussutissaliaq. Inuussutissarsiuteqarfittut sanaartukkat nutaat aqquserngup biilinut inissiisarfittallip tungaanut sammipput.

Immikkuualuttuni ataasiakkaani sanaartukkanut tunngasut kommunimut pilersaarummut tapiliussami aalajangersarneqarput. Sanaartukkat nutaat sumiiffiup nalaani sanaartukkanut naapertuutunik, tassaanerusut Nuuk Imerup illorsuarta, Sikukip Umiarsualiviani illutaanut containereqarfimmullu naleqqussagaassapput.

Sanaartukkat inunnut inissatut atorneqaqquaannigillat.

Immikkuualuttoq A: Sanaartukkat 32,5 meterimit portunerussanngillat, tassa naammassillugu/immersorlugu suliarineqarsimasumiit nunamiit illup qaliata nuuanut uutterlugu.

Immikkuualuttoq B: Sanaartukkat 26 meterimit portunerussanngillat, tassa naammassillugu/immersorlugu suliarineqarsimasumiit nunamiit illup qaliata nuuanut uutterlugu. Illut portussusii tassaanerussapput 8 -18 meterit, sanaartorfissalli ilaani 26 meterit tikillugit portussuseqarsinnaapput.

Pingaarnertut sanaartukkanut isertarfii sukumiisumik arlaatigut takussutissartaqassapput, allagartalersuinerlu ataatsimoorussamik najoqqutassaqartinneqassalluni. (Ilanngussaq 4 innersuussutigalugu.)


Sanaartorfissani 10-miit 14-imut sanaartukkat aqquserngup tungaanut sammissapput, illullu silataat sukumiisumik takussutissartaqassallutik.

Sanaartorfissani 5-imi 7-imilu illup initunersaani teqeqkorinnaera apuuttarfimmut (sumiiffimi aqqusineq A) sammissaaq.

Sanaartorfissani 6-imi aamma 8-mi illup silatai piumasaqaatigineqartoq malillugu naligiisinneqassapput, ilanngussaq 3 innersuussutigalugu.

Pingaarnertut isertarfik Qeqertat tungaanut sammiveqassaaq.

Immikkuualuttoq A-mi B-milu sanaartorfissani Nuummi qitiusoqarfillit angisuunik sanaartugaasinnaapput, taamaammat assigiinngisitaassutsimut illullu silataanut atitussutsimut kiisalu illutaanut tunngasut ilanngunneqarnissaat pingaaruteqarpoq. Pingartumik illut silatai illoqarfiup aamma/imaluunniit kikkunnit tamanit orninneqarsinnaasumut illoqannginnersamut sammisut eqqarsaatigalugit. (Takussutissaq 8 takuuk.)



Takussutissaq 8. Silataata sukumiisumik takussutissiarineqarnera. A: Ajornanngitsumik aaqqiissut, igalaat sinai sisannik sanaat ammut sammisut, illup silataanik assigiinngisitaartuutitsissapput, B: Illup silataa atortulersorluagaq, assersuutgalugu inuit ornigarnerusaannut sammisuni atortulersorluakkat,

uani pineqarlutik qisunniq amitsunik qummut sammisunik pilersorneqarsimasoq, C: Illup silataa atortulorsoruagaq, illorsuit saavi assigiaarpallaat putoortulersukkanik pladilersorneqarlutik.

Immikkualuttoq C: Sanaartukkat 15 meterimit portunerussanngillat tassa naammassillugu/immersorlugu suliarineqarsimasumiit nunamiit illup qaliata nuuanut uutterlugu.

Immikkualuttoq D: Teknikkimut assigisaanullu atortulersuutinut illuliit.

**Sanaartorfissagissaaneq:**

Immikkualuttup allilerneqarnera nunataa pioereersoq aamma talittarfiliornermut umiarsualiviliornermullu atatillugu immap nalaa immersorlugu sanaartorfissagissarneratigut pisinnaavoq.

Immikkualuttoq B-mi soqtigisaqaqatigiit pisussaapput ataatsimoorullugu sanaartorfissagissaassallutik aamma pilersaarusiornermik qinnuteqaammi najoqqutassiat naapertorlugit attaveqatigiinnermut tunngasunik annertusaassallutik. Sanaartorfissagissaanermik pilersaarummi pingarnertut sanaartorfissagissaanissaq allaaserineqassaaq.

***Pingarnertut sanaartorfissagissaaneq***


Pingarnertut sanaartorfissagissaanermi pineqarlutik Qeqertat killinga atuarlugu kuuffilersuineq kiisalu qitiusumik aqqusinilersuineq/apuuttarfilersuineq aamma pilersuinermut aqqutilersuusiorneq, uani.

Immikkualuttoq B-mi sanaartorfissat 10-miit 14-imip nalaani avannaatungaatigut qiterpasissumik aqqusinniornikkut ataatsimut kote (4,5 aamma 5,0 immamit portussuseq) aalajangersarneqassaaq, tassa qiterpasissuani sanaartorfiup nalaani. Kote aalajangersarneqassaaq, sumiiffimmi erngup naammattumik kuussinnaanissaa qularnaarniarrlugu, taamaalilluni sumiiffimmi assigiissaartumik aqqusinniorneq anguneqassaaq.

Immikkualuttoq B-mi kujataatungaani sanaartorfissat 5-imii 9-mut ataatsimoorussamik aqqusineqassapput, sanaartorfissagissaanerlu eqqarsaatigalugu sumiiffimmi A-mi aqqusineq (4,5 oh 5,0 moh akornanni) ataatsimoorussamik kote-qassaaq.

***Ataasiakkaanik/sukumiisumik sanaartorfissagissaaneq:***

Immersuilluni/qaartiterilluni immikkoortunik ataasiakkaanik piareersaaneq, talittarfiliorneq, nunamik uuttortaaneq, sanaartorfimmik ataavartussanik qallersuineq assigisaalu. Tamakku sanaartorfissami nunaminertamik atugassiisummik pigisaqartumit suliarineqassapput.



Takussutissiaq 9 Najoqqutarisassaq saneraanit isigalugu, Immikkualuttoq B-mi sanaartorfissat 10-miit 14-imut atatsimoorussamik kaajallatarissap nalaa.

#### Aqquserngit biilinullu inissiisarfiiit:

Sumiiffik Iggiaanit aamma Sullorsuup tungaaniit kiisalu avannaatungaani Pukuffiup, Borgmester Anniitap Aqquserngata Qeqertallu tungaaniit kaajallatarissamiit aqqusineqassaaq. Qeqertanut aqqusineq pingarnertut aqqusiniussaaq sumiiffinnut allanut aqqutissalik, taannalu sumiiffimmut pilersaaruteqarfiusumut avannamut kujammullu sammisumi aqqutissaassalluni.

Biilinut inissiisarfiliortoqassaaq, kommunimut pilersaarummi atuuttumi najoqqutassaq innersuussutigalugu.

Sumiiffik immamut sammisup tungaani arjalinnik aqqusineqassaaq, tassanilu pilersinneqareerlutik pilersinneqarsinnaassallutilu talittarfik, umiatsianut inissiivissaq il.il.

Immikkualuttoq B-mi sumiiffiup tungaanut aqqusinniorfissaq qiterpasissuanilu aqqusinniorfissaq biilinut inissiisarfimmumt sanaartukkanullu aqqutissaqassapput, pilersaarusrornermik qinnuteqartut nunaminertamik atuinissamut najoqqutassiaat innersuussutigalugit.

#### Sanaartorfiunngitsut illoqarfimmilu illoqannginnersaq:

Naasunut, nunatamik nunagissaanermut kiisalu inissiiffissaasinnaasunut il.il. tunngasut pilersaarummi aalajangersarneqassapput.

Nunaminertat tamarmik sanaartorfiunngitsut, atortulersuutinut atorneqanngitsut aqqusinniorfiunngitsullu allanngortinnejassanngillat. Nunamik immersuinermi sanaartorfissagissaanermiluunniit siallernerani aputiluunniit aannerani imiup kuussinnaanissaa eqqaamiunulluunniit akornutaasussamik taseqqertoqannginnissaa qulakkeerneqassaaq.

Sanaartukkanut ataasiakkaanut atasunik silamiiffissalersuinissamik periarfissaqarpoq.

Immikkualuttoq B-mut ataatsimut allagartalersuinermut, ungalulersuinermut qullilersuinermullu tunngasunik aalajangersagaqarpoq. (Ilanngussaq 4 innersuussutigalugu.)

## 1.5 PILERSAARUMMUT ALLAMUT SANILLIULLUGU INISSISIMANERA

### 1.5.1 Nuna tamakkerlugu pilersaarusrornerq

Kommunimut pilersaarummut tapiliussaq nuna tamakkerlugu pilersaarusrornermut naapertuuppoq.

### 1.5.1 Kommunimut pilersaarut

Kommunimut pilersaarummut tapiliussaq sermersooq 2028, pingarnertut inuussutissarsiuteqarnermut aamma umiarsualiveqarfimmut ilaavoq

Immikkoortup ilaata killilersorneqarnerata iluarsineqarnera periusissatut aalajangersakkaniippoq

### 1.5.2 Qanganitsat eriagisassat peerneqarsinnaanngitsut imaaliallaannarlugit

Immikkoortup ilaani qanganisaqarnersoq Kommuneqarfik Sermersuumit ilisimaneqanngilaq. Allanngutsaaliuisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq naapertorlugu aningaasaliisoqarpoq.

### 1.5.3 Avatangiisit

Immikkoortup ilaani assaanermi mingutsitsisoqarsimasoq paasineqarpat, Kommuneqarfik Sermersuumi Ingerlatsinermut Avatangiisinullu immikkoortortaq ilisimatinneqassaaq.

Eqqakkanik avatangiisinut navianaatilinnik suujunnaarsitsinerit, assersuutigalugu issoq uuliamik mingutsinneqarsimasoq, kommunimi eqqagassalerineq pillugu malittarisassat aamma suliassaqarfik tamanna pillugu inatsisit naapertorlugit pissapput.

#### *Kapitel 5 – suliffeqarfik*

(Sumiiffinni inuussutissarsiorterut umiarsualiveqarnermullu) siunertaqarfiusuni immikkoortut B-t suliffeqarfiiit inissismaffissamut immikkut piumasaqaateqarfiusut pilersinneqarsinnaapput, taakkununnga ilaallutik suliffeqarfiiit mingutsitsinerusut (kapitali 5-suliffeqarfiiit). Avatangiisinik mingutsitsisinnaanernik pinngitsoortitsiniarluni tamatigut iliuusissanik aalajangiisoqartassaaq, tassunga ilanngullugit oliakunit, akuutissanit saviminernillu eqqagassanik inissiisarneq.

#### VVM

Misissugassat misissuiffigineqarnissaat kiisalu pilersaarutip nassataanik avatangiisinut sunniuteqaratarsinnaasut ersarissutinnissaannut atugassanik paassisutissanik pisariaqartunik pissarsinissat naammassineqarnissaannut sanatitsisoq akisussaasuovoq.

#### **1.5.4 Teknikkikkut pilersuineq**

Inissialiat nutaat pisortat innaallagissamut imermullu kuuffissuarnut aamma kiassarnermut aqqutaataannut attavilerneqassapput.

Innaallagissamik, imermik kissamillu pilersuinermut aqqutit aamma kuuffissuit nunap iluatigoortinnejassapput.

Immikkoortup ilaani pisortat teknikkikkut atortulersuutaat, soorlu immikkoortup ilaanut pilersuinernut sakkortusaaviit inisinnnejarsinnaapput. Nukissiorfiit siunersiorlugu sakkortusaaviit inisinnnejassapput.

Immikkoortup ilaata kiassarnejarnissaa Nukissiorfinni malittarisassat malillugit pissaaq.

Kiassaatilerinermut tunngasunik pilersitsineq/pilersuineq pissaaq malittarisassat atuuttut malillugit.

Inissialiat imikoq pillugu iliuusissatut pilersaarut naapertorlugu pisortat kuuffissuaataannut attavilerneqassapput.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinnejassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaassanani.

Immikkoortup ilaa Kommuneqarfik Sermersumi eqqagassalerinermut aaqqiinermut malittarisassanut sukkulluunniit atuuttunut ilaatinnejarpooq.

Aputaajaasarnerit aputinillu assartuisarnerit

Immikkoortup ilaaniq eqiterineq soorunami niffat ikilissutigissavaat. Immikkoortup iluani aqquserngit, biilit unittarfii, pisuinnaat aqqutaat nunaminertallu sanaartorfiunngitsut aserfallatsaaliornejarnissaat siunertaralugu peqatigiiffimmik pilersitsisoqassaaq. Peqatigiiffimmik piginnittut namminneerlutik malittarisassaliornejarnissaat. Kommuneqarfik Sermersooq miit innersuussineq naapertorlugu aputaajaanermi aput apummut eqqaavimmut igikkiartorneqartassaaq.

Sanaartorfissagissaanernut aningaasartuutit

Immikkoortumi sanaartorfissagissaanernut aningaasartuutit illuatungeriillu akornanni agguataarnejartussat akilersuinissamut malittarisassatigut immikkut ittutigut takuneqarsinnaassapput.

Immikkuualuttoq B-mi sanaartorfissagissaaneq ingerlanneqassaaq ataatsimut sanaartorfissagissaanermi nunaminertat, atuuffigisassaannut qinnuteqaatit ilaatinneqartut tunngavigalugit.

#### **1.5.5 Pilersaarutinik atorunnaarsitsinerit**

Maanna atuuppoq kommunimut pilersaarummut tapiliussaq 2B2-4 kommunimut pilersaarut 2B2-3 atorunnaarsinnejarpooq

#### **1.5.6 Tamanut nalunaarut**

Kommunimut pilersaarummut tapiliussamut siunnersuut, piffissami 28.03.2018-09.05.2018, sapaatip-akunnerini arfinilinni tusarniaassutigineqarpoq, tusarniaanerullu nalaani akerliliissutit oqaaseqaatillu 7-it tiguneqarput. Tusarniaareernerup kingorna kommunimi pilersaarummut tapiliussami annikitsunik iluarsiissuteqartoqarpoq.

Pileraarutinut qinnuteqaatinini tusarniaassuteqarnerup nalaani illuatungerisanit arfineq-pingasuuusunit akerliliissutit tiguneqarput, aamma periarfissaq allaanerusoq. Akerliliissutit oqaaseqaatillu tiguneqartut sanaassanut qinnuteqaatinut, Usisaatip immap naqqanik qajuusaasiornissaanut aarlerinermut annerusumik tunngasuupput. Qajuusaasiorsiup eqqaata mingutsinneqarnissaa matumani aarlerigineqarpoq. Naggataatigut inuussutissarsiuteqartut amerlanerussammata ilaasa immikkoortumi inuussutissarsiutinut minnernut nunaminertat ujartorpaat.

## **1.6 PILERSAARUMMUT TAPILIUSSAP INATSISINUT TUNNGASORTAI**

### **Kommunimut pilersaarutip piviusunngortinneqarnissaanut**

Kommunalbestyrelse suliniuteqassaaq, tassunga ilanngullugu nunaminertanik atugassiinerni. (Pilerausiornermut inatsimmi § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilerausiornermut inatsimmi § 30).

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpq. Nikingasoornerit pingaernerit aamma aalajangersakkanit pingaernernit nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilerausiornermut inatsimmi § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.

## 2 AALAJANGERSAKKAT


Matumuuna "Pilersaarusrusiorneq aamma nunaminertat atorneqarnerat pillugit Inatsisartut *inatsisaat nr. 17, 17. november 2010-meersoq*" (*Pilersaarusrusiorneq pillugu inatsit*) naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissumvik tunniussisoqarsinnaavoq. Aalajangersakkat pingaernerit pilersaarummi tunngaviusumik tunngaviupput taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

### AALAJANGERSAKKAT PINGAARNERIT

#### Immikkoortup ilaata killeqarfilsorsorneqarnera



#### 1. Siunertaq

Inuussutissarsiornermut umiarsualiveqarnermullu siunertaq

#### 2. Atorneqarnera

Inuussutissarsiuteqarfiit aamma umiarsualiveqarfiit.

Inuussutissarsiuteqarnermi allaffeqarfittut, entrepenøreqarfittut, quersuaqarfittut, assassinluni suliffeqarfiliorfissatut, sannavittut, tunisassiorfissatut, inaalitsiveqarfittut angallassinermik sulialinnut aammalu umiarsualiveqarnermut siunertanut talittarfearlunilu puttasoqassaaq, kiisalu illorsuit assigisaallu umiarsualiveqarnermut tunngasut Immikkoortup atorneqarnissaa aalajangersarneqarpoq. Imartaa kisartarfittut pituttarfittullu atorneqassaaq.
<b>3. Sanaartorneq</b>
Sanaartorneq atortussaateqarnerlu immikkoortup takuneqarsinnaasutut ilusaa ataqqillugu suliarineqassapput. Immikkuualuttuni A-miit D-mut sanaartugassat nutaat portussusaat imaassapput: Immikkuualuttoq A: Portunerpaamik 32,5 m Immikkuualuttoq B: Portunerpaamik 18 m, sanaartofissalli 30%-iani 26 m-iisinnaalluni. Immikkuualuttoq C: Portunerpaamik 15 meter Immikkuualuttoq D: Attaveqarnermut imaluunniit teknikkikkut atortuusiveqarnermut attuumassutilinnik ataatsimik quleriilik.
<b>4. Inissaqassuseq</b>
Sumiiffimmi suli sanaartorfissaqarpoq. <ul style="list-style-type: none"><li>- Immikkuualuttut A aamma B sukumiisumik aalajangersakkat naapertorlugit tamakkiisumik sanaartorfioereerpata allanik sanaartorfissaarutissaq.</li></ul>
<b>5. Eriagisariaqartut</b>
Immikkut ittunik aalajangersagaqanngilaq
<b>6. Nunaminertat piumasaqaatitaqarfiusut</b>
Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, nallarissup iluani aamma nunap immamit qatsinnerussusianut aalajangiussat iluanni mikkiartornermi qangattalernermilu akornutaasoqaqqunagu. Immikkoortoq mittarfimmi milernermeri qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu portussutsit portunerpaaffigisassaat assigiinngiaarpot, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq. Innaallagissap aqquaatailaani isumannaallisaanermut killeqarfearfimmum sumiiffik ilaavoq. Immikkoortumi 15 meterit iluanni ungaluusanik innaallagialinnik autoværnininik saviminiusunik imaluunniit innaallagialinnik allanik ikkussisoqaaqusaanngilaq.
<b>7. Aqqusinertigut angallanneq teknikkikkullu pilersuinerit</b>
Immikkoortoq Qeqertanut aamma Borgmester Anniitap Aqqusernganit aqquqteqassaaq.
<b>8. Illoqarfimmik nutarterineq</b>

<b>9. Immikkoortukkuutaat</b>
<b>AALAJANGERSAKKAT SUKUMIISUT</b>
<b>1. Illut inissinneqarnerat</b>
<p><b>Imm. 1</b> Sanaartukkat nutaat llanngussaq 2-mi sanaartorfissatut takutinneqartut iluannut inissinneqassapput.</p> <p><b>Imm. 2</b> Immikkualuttoq A-mi sanaartorfissanik sisamanik inissiisoqassaaq, sanaartorfissat 1-4.</p> <p><b>Imm. 3</b> Sanaartorfissap 1-ip nunaminertaa Qeqertat kangianiittooq maanna aqquserngup ingerlaarfianik aatsaat allanngortiterinikkut atorneqarsinnaavoq.</p> <p><b>Imm. 4</b> Immikkualuttoq B-mi sanaartorfissat nutaat qulit ilanngunneqassapput, takuuk ilanngussaq 2</p> <p><b>Imm. 5</b> Sanaartorfiusuni marlunni assigiinnik pisinnaatitaaffeqanngippata, sanaartorfiup saniliani sanaartorfimmum killeqarfia sanaartukkamit qaninnerpaamik 5 meterimik qanitsigissavaa. Pisut ilaanni aalajangersagaq una malinneqartariaqarneq ajorpoq, takuuk paragraf 2, imm. 17</p>
<b>2. Inissialiat isikkui</b>
<p><b>Immikkualuttoq A</b></p> <p><b>Imm. 1</b> Sanaartorfissaq 1-imiiinneqassapput containerinut umiarsualivik allaffissuartalik, tikittarfik aamma sannavit, kiisalu containerinut umiarsualivimmut attuumassuteqartunik sanaartukkat suliassallu allat.</p> <p><b>Imm. 2</b> Sanaartorfissat 2-4 containerinut umiarsualiviup allilernissaanut kiisalu containerinut umiarsualivimmut attuumassuteqartunik sanaartukkanut suliassanullu allanut atugassanngortinneqassapput.</p> <p><b>Imm. 3</b> Nunaminertaq sanaartorfiusoq annerpaamik affaa tikillugu sanaartorfioqqusaavoq.</p> <p><b>Imm. 4</b> Sanaartukkat nutaat portunerpaamik naammassinerani/nunamiit nuua tikillugu 32,5 meterioqqusaapput.</p>
<p><b>Immikkualuttoq B</b></p> <p><b>Imm. 5</b> Sanaartorfissat 5-8 aamma 10-14 inuussutissarsiuteqarfinnut umiarsualivinnullu attuumassuteqartunut sanaartukkanut atuuffinnullu atugassanngortinneqassapput.</p> <p><b>Imm. 6</b> Sanaartorfissaq 9 kiassaateqarfimmum atugassanngortinneqassaaq / illu teknikkimut atortoq.</p> <p><b>Imm. 7</b> Sanaartukkat nutaat portussusaat 8-18 meteriussapput, nunamiit nuuanut uuttorgit. Taamaattoq sanaartorfissat 30%-ii 26 meterit tikillugit sanaartorneqarsinnaapput. Sanaartukkat pingaannginnerit soorlu quit inaalitsiviillu 50 m<sup>2</sup> angullugu, sanaartorfissaq 9-milu sanaartukkat pukkinerisinnaapput. Sanaartorfigiuminarsaanermi naqqumiit nuuanut/nunataaniit illup nuuanut portussusaa assigiimmik aalajangersarneqassaaq, tassa sanaartorfiusussani 5-8-mi aamma 10-14-im 4,5 - 5,0moh.</p> <p><b>Imm. 8</b> Immikkualuttoq B-mi sanaartorfiusussat 10-14 aallaaviatigut aqqusinermut qeqqata tungaanut</p>

sammitinneqassapput. Pisiniat isaariai, soorlu pisiniarfii/pisiniartitsiviit aamma allaffeqarfii tungaannut sammisut, nunap portussusaanniitneqassapput, taavalu aqqusinermut qeqqata tungaanut aqquteqartinneqassallutik. Sanaartoriusussani tamani minnerpaamik sanaartukkamik illuliap silataanik nalunaaqtsiisumik pilersitsisoqassaaq. (llanngussaq 3 takuuk)

**Imm. 9** Sanaartoriusussani 5-im aamma 7-mi sanaartukkat aqquserngup iseriartorfiup tungaanut teqeqlorissumut sammitinneqassapput (sumiiffimmi aqqusineq A).

**Imm.10** Sanaartoriusussani 6-im aamma 8-mi sanaartukkat illup silataata killinga takinerpaaq Qeqertat tungaanut sammitinneqassaaq. (llanngussaq 3 takuuk)

**Imm. 11** Illup silatai pladiutinneqassapput, qalipaatai asingasut taartut imaluunniit qaamasut assigiinngiaartut. Assersuutigalugu qernertut, qaqortut imaluunniit qasersut assigiinngiaartut.

**Imm. 12** Illut silatai 20 meterinit takinerusut allanngorartutinneqassapput, atortut/qalipaaitit nikerartinnerisigut, iigaaniit igaanut imaluunniit nikerarneratigut.

**Imm. 13** Illup silataa kaajaluisap imaluunniit apuuttarfiup tungaanut sammisoq, inimi alleq minnerpaamik 20 %-ia igalaalersugaassaaq/igalaarsualersugaassaaq. Illup saava tulluartunik igalaalersorneqassaaq.

**Imm. 14** Sanaartornermi matu aqqusernup portoqataata nalaani pilersinneqassaaq, assersuutigalugu pisiniartunut isaariaq, isiginnaariartunut atugassiaq aamma allaffeqarfimmi sammisaqartitsinerit eqqarsaatigalugit, ilanngussaq 4-mi tunngavusoq takuuk.

**Imm. 15** Allagartarsuit tamarmik illup silataanut ikkusuunneqarsimassapput, ilanngussaq 4-mi tunngavusoq takuuk

**Imm.16** Illut qaavi manissuusinnaapput imaluunniit illuttut sivingatinneqarsinnaapput. Illut qaavi illuttut sivingasut illut nuui pillugit maleruagassaritinneqartut malinnejassapput, ilanngussaq 3 naapertorlugu. Illut qaavi illuttut sivingasut pisariaqanngitsumik portunerutinneqassanngillat.

**Imm. 17** Immikkualuttoq B-mi sanaartorfissat imminkut katiterneqarsinnaapput. Immikkualuttoq B-ip kujataatungaani sanaartorfissanik ataatsimoortitsinermi sumiiffimmi aqqusineq A aqqusaarlugu pissanngilaq.

**Imm. 18** Immikkualuttoq B-mi sanaartugassat annertussusaat ima aalajangersarneqassapput: Sanaartorfissap nunaminertaa minnerpaamik 1/3-ia aamma sanaartorfissap nunaminertaa annerpaamik 2/3-ia. Taanna sanaartorfissaq 9-mut atuutinngilaq. Sanaartugassat annertussusaata minnerpaaffiat sanaartorfissat immikkoortukkuutaarlugit suliarineqarnerisigut anguneqarsinnaapput.

#### ***Immikkualuttut A, B, C aamma D:***

**Imm. 19** Illut silataasa qalipaataat illulianut eqqaaniittunut akornutaasinnaasunik imaluunniit immikkoortoq tamaat isigalugu kusanaallisaataasinnaasunik qalipaataassanngillat qillarissut imaluunniit atortussiat inngianartut.

**Imm. 20** Illut tamarmik qaavi qernertunik qalissiaqartinneqassapput

**Imm. 21** Illumi pigineqartumi pineqartumi suliffeqarfinnut illuummiittunut atasumik taamaallaat allagartaliisoqarsinnaavoq. Allagartarsuit quillinersorneri avatangiisaannut akornutaassanngillat, nunami, imaani silaannakkulluunniit angallattut eqqarsaatigalugit.

**Imm. 22** Mittarfiup timmisartunik ingerlaarfisartagaasa killeqarfianut aporfiutinnagit, kiisalu BL atuuttoq (Silaannakkut angallattut pillugit Angallannermut Aqutsisoqarfip aalajangersagai) ataqqineqartillugit malinneqartillugillu kranit, pujorfiit, antennit assigisaallu illuliat portunerpaaffianniit portunerusinnaatitaapput.

**Imm. 23** Seqerngup qinngorneranik tigooraassutit, seqinisaatit assigisaallu illut ilaattut taamaallaat ikkussuunneqarsinnaapput, taakkulu illunut sanilerisanut, sanioqquttartunut imaluunniit avatangiisaasunut inngiasutsitsisassanngillat. Inissinneqarnissaat Kommuneqarfik Sermersuumit akuerineqassapput.

**Imm. 24** Illut silataasa ilusilersorneqarneri Kommuneqarfik Sermersuumit akuerineqassapput.

### 3. Aqquserngit aqqusineeqqallu

**Imm. 1** Aqquserngit pingarnerit minnerillu naanerini kaajallattarfii pisariaqartut aaqqissuunneqassapput.

**Imm. 2** Immikkuualuttoq B-mi sanaartorfissat ataasiakkaat aqqusinilersornerini immikkut nunaminertalersorneqassapput, takuuk ilanngussaq 3. Sanaartorfissani 10-14-im iqqusineq qitiusoq ataatsimoorussassaq pilersinnejqassaaq, takuuk immikkoortoq tunngaviusoq qupp. 19.

**Imm. 3** Aqqusinerni pingarneri minnernilu aqquserngup qeqqanit aqquserngup titarnera 20 m aalajangersarneqarpoq.

**Imm. 4** Kommunimut pilersaarut atuuttoq naapertorlugu biilinut uninngasarfiit nutaat sanaartornermut atatillugu pilersinnejqassapput.

**Imm. 5** Sanaartorfissami ataatsimi biilinut uninngasarfiit nunaminertaanni ikinnerpaamik ladestanderi ataaseq ikkunneqartassaaq.

**Imm. 6** Biilit uninngasarfiit siunissami pilersinniarneqartut nunaminertaatilinnit aningaasartutiqeqassapput, pisunilu tamani Kommuneqarfik Sermersuuup isumasioqatigineratigut pisassallutik.

### 4. Nunaminertat sanaartorfigineqanngitsut sunngiffimmilu atortulersuutit

**Imm. 1** Immikkoortut sanaartoriunngitsut, atortulerosorfiunngitsut assigisaallu pissutsimikkut allangortinnejqassanngillat.

### 5. Teknikkimut atortulersuutit

**Imm. 1** Avannaaniit kujataanut immikkoortoq aqqusaarlugu kuuffissualersorneqassaaq.

**Imm. 2** Sanaartukkat nutaat innaallagissamut, imermut kiassarnermullu attavilerneqassapput.

**Imm. 3** Imikoq qasertoq imikorlu tamarmik kuuffissuakkut kuutsinnejqassapput. Nunap qaavata ernga kussiamiillu imeq kuuffissuakkoortinnejqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinnejqassapput.

**Imm. 4** Immikkuualuttoq B-mi kuuffissuarmik pilersitsinermut aamma atassuteqalernermut atatillugu imajaavimmik pilersitsisoqassaaq. Nunaminertap aqquserngup qeqqaniittumut ilanngunneqartup iluani tamanna inissinneqassaaq sanaartorfissagissaanissamullu pilersaarummut ilanngunneqassalluni.

**Imm. 5** Immikkuualuttoq B-mi sanaartorfissani 10-14-im kangerluup tungaanut sapusiaq sinerlugu

kussiniliortoqassaaq ataatsimut atugassamik, takuuk ilangussaq 3.

**Imm. 6** Sanaartorfissanit ataasiakkaanit immikkualuttoq B-mi talittarfimmik/kueraavimmik pilersitsisoqarsinnaavoq, takuuk ilangussaq 3. Sumiiffinni allani sapusiaq attanneqassaaq.

**Imm. 7** Immikkoortup ilaanut teknikkikkut atortulersuutit soorlu sakkortusaavii assigisaalu immikkoortup ilaanut pilersuinermut atortut inissinneqarsinnaapput. Transformerstationinik inissiineq Nukissiorfitt aamma Kommuneqarfik Sermersooq isumasierisigut aamma atortut inissinneqarlutilu ilusilersorneqassapput, taamaaliortoqassaarlu immikkoortoq tamaat eqqarsaatigalugu takussunartinnaveersaarlugu, imaluunniit sanaartukkap ilaanut ilangunnaveersaartillugit.

## 6. Nunaminertat sanaartorfigineqanngitsut

**Imm. 1** Silami inaalitsivimmut nunaminertaq saviminernik qassutaasanik ungalulersimassaaq pukkinnerpaamik 3 meterit portunerpaamillu 4 meterit. Nunaminertat inaalitsiviusut sumiiffimmi takussunartuussanngillat.

**Imm. 2** Nunaminertat sanaartorfiunngitsut, pallitalisat aqqusinermilu atortussiat sanaartornerup allatigulluunniit suliaqarnerup kingunerisaanik aserorsimappata iluarsineqaqqissapput.

**Imm. 3** Imermut aamma kuuffissuarnut aqqutit kiisalu sumiiffiup immikkoortup imaartarnissaanut kussineqartariaqarnerani nunaminertami atugassiissutaasumi sanaartornissamut periarfissat annikillisimasat akuerineqassapput.

**Imm. 4** Nunaminertat sanaartorfigineqanngitsut, sumiiffiit uninngasarfiit assigisaallu qaammaquteqarneritigut inngianartuussanngillat.

### ***Immikkualuttoq B immikkut ittumik:***

**Imm. 5** Immikkualuttoq B-mi sanaartorfissat ataasiakkaat iluini atuuffissatut nunaminertat tamarmik uninngasussamik qallersorneqassapput.

**Imm. 6** Killeqarfimmi titarneq 2,5 meteriusumi illuttut inaalitsivittut imaluunniit ungalulerlugu atorneqassanngillat. Killeqarfinni titarnerit torersuutinnejartuassapput tikikkuminartuullutilu.

**Imm. 7** Sanaartorfissani 10-miit 14-imut sumiiffimmi illup saavanit uuttorlugu 10 m-ip iluani atortunik/containerinik inissiisoqassanngilaq.

**Imm. 8** Sanaartorliusup titarnerata tungaanut nunaminertat sanaartorfiunngitsut illup silataaniit uuttorlugu 10 m iluani ungalulersueqqusaanngilaq. Aqqusineeqqami/nunaminertap saani containerinik imaluunniit atortussianik assigisaannilluunniit uninngajuartussanik tuniniaanermi takuniaasunilluunniit soqtigineqanngitsunik inaalitseqqasqartussaanngilaq.

**Imm. 9** Illut isaariaasa tungaanut nunaminertakkut qulleqarneq eqqarsaatigalugu, illut silataatigut quillilersuinikkut tamanna pissaaq. Quillilersuinermi naqqaniit nuuanut 6 m qaangerlugu ikkussuisoqassaaq.

**Imm. 10** Nunaminertat nioqqutissanut/assartukkanut inissat quillilersorneqarnerini, pineqartumi illup portunerpaaffia qaangerlugu ikkussuisoqassanngilaq. Quillilersuineq avatangiisaasunut akornutaassanngilaq.

<b>7. Eriaginninneq</b>
Immikkut ittunik aalajangersagaqanngilaq
<b>8. Pinngortitap illersorneqarnissaanik soqutiginninnerit</b>
Immikkut ittunik aalajangersagaqanngilaq
<b>9. Nunalerluni nunamik atuinissamik soqutiginninnerit</b>
Immikkut ittunik aalajangersagaqanngilaq
<b>10. Ataatsimut atortulersuutit</b>
Immikkut ittunik aalajangersagaqanngilaq
<b>11. Piginnittut peqatigiiffii</b>
<b>Imm.</b> 1 Immikkoortuni ataatsimut soqutigisat isumagineqarnissaannut peqatigiiffimmik aallartitsisoqassaaq. Peqatigiiffiup sukkulluunniit Kommuneqarfik Sermersooq sumi najugaqarnerminik ilisimatittuartassavaa. Aqquserngit, biilinut uninngasarfiit, aqqusineeqqat sukisaarsarfiillu ingerlatarinissaat aamma aserfallatsaaliniissaat (matumani ukiukkut aserfallatsaaliniissaat ilanggullugit) peqatigiiffimmit akisussaaffigineqarpoq. <b>Imm.</b> 2 Nunaminertamik piginnittoq immikkualuttumik piginnittut peqatigiiffiannut ilaasortaassaaq.
<b>12. Avatangiisnik mingutsitsinermi killissarititaasut</b>
Immikkut ittunik aalajangersagaqanngilaq
<b>13. Illut nukissiuutinik atuinikitsut</b>
Immikkut ittunik aalajangersagaqanngilaq
<b>14. Atuinissamut piumasaqaatit</b>
<b>Imm.</b> 1 Pisariaqartunik attaveqaasersuineq aqqusineq, kussineq, kuuffissuit, pilersuinermut aqqutit aamma biilinut inissiisarfiit naammattut pilersinneqareerpata aatsaat sanaartukkat nutaat iserterfigineqarsinnaanngussapput. <b>Imm.</b> 2 Nunaminertat sanaartorfigineqanngitsut, pallittaalisat aqqusinermilu atortussiat sanaartornermit ajortissimasut iluarsineqartinnagit sanaartukkat nutaat atulersinneqarsinnaanngillat. Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersumik isumaqatigiissuteqartoqareerpat piaernerpaamik suliarineqassapput.


### 3 AKUERSINERMUT UPPERNARSAAT

Una kommunimut pilersaarummut tapiliussaq 2B2-4, Qeqertat 2020, matumuuna Kommuneqarfik Sermersumi Kommunalbestyrelsimit inaarutaasumik akuersissutigineqarpoq ulloq 05.06.2018.

Kommuneqarfik Sermersooq ulloq 15/6 2018

Asii C. Narup  
Asii Chemnitz Narup  
Borgmesteri

Lars Møller Sørensen  
Lars Møller Sørensen  
Kommunaldirektøri




**KOMMUNEQARFIK SERMERSOOQ**  
Sanarfimermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 2B2-4, Qeqertat 2020  
Kommuneplantillæg 2B2-4, Qeqertat 2020

Ilanngussaq 1, Maannakkut Atuuttut  
Bilag 1, Eksisterende forhold  
Juni 2018 / Juuni 2018  
Utuut 1:12000 / Mål 1:12000

A4

0 m 100m 500m




**KOMMUNEQARFIK SERMERSOOQ**  
Sanarfimermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 2B2-4, Qeqertat 2020  
Kommuneplantillæg 2B2-4, Qeqertat 2020

Ilanngussaq 2 Immikkoortoq 2B2-4 Immikkullarissullu A, B, C aamma D,  
Sanaartorfissat I-14  
Bilag 2 Delområde 2B2-4, Detailområderne A, B, C og D, Byggfelter I-14  
Juni 2018 / Juuni 2018  
Utuut I:12000 / Mål I:12000

0 m 100m 500m



**KOMMUNEQARFIK SERMERSOOQ**  
Sanarfimermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 2B2-4, Qeqertat 2020  
Kommuneplantillæg 2B2-4, Qeqertat 2020

Ilanngussaq 3, Immikkullarissullu B  
Bilag 3, Detailområde B  
Juni 2018 / Juuni 2018  
Utuut 1:4000 / Mål 1:4000

A4

0 m 50m 200m

Nunaminertami immikkualuttoq B-mi qullilersuinermi ungalulersuinermilu tunngavigisassaq  
Princip for belysning og indhegning af arealer i detailområde B



Aqquserngup pingarnerup tungaaniit isigalugu silataa/isaaria



Aqqusineq pingarneq / illoqarfip aqqusernga A



Nassiussaleriffit



Panel-inik ungalulersuineq



Ujaqqat pinngortameersut ujararjussuit/ ujaqqat qarritterinermi, assiaquit (gabion-it) killilersuuttit /ungalulersuuttit  
Markerig med natursten,  
stenblokke/sprængsten, gabion


Facade mod centergade/indgang

Centergade/ Lokalvej A

Pladser til godshåndtering

Panelindhegning

Immikkualuttoq B-mi Isaarissamut pingarnermut allagartaliinermi tunngavigisassat  
Princip for skiltning ved hovedindgange i detailområde B



\*  
Navn = Ateq  
Logo = llsarnaat

Isaarissat allagartaliinermut ersarissaanermullu tunngavigineqartussat  
Princip, skiltning og markering af indgangspartier

Isaarissap qalipaataa illup qalipaataanut naleqqiullugu allaanerusuinaavoq.  
Indgangsparti kan have en farvevariation ift bygningens farve.



Isaarissami pingarnermi allagartaliineq  
Markeret hovedindgang med skiltning



KOMMUNEQARFIK SERMERSOOQ  
Sanarfinermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 2B2-4, Qeqertat 2020  
Kommuneplantillæg 2B2-4, Qeqertat 2020

Ilangussaq 4, Immikkualuttoq B-mi allagartaliinermi tunngavigisassat,  
qullilersuineq ungalulersuinerlu

Bilag 4 , Princip for skiltning, belysning og indhegning, detailområde B  
Juni 2018 / Juuni 2018